

Oferta: en domènia, ai 9 de otober vègnel perié do na oferta por n local di jogh « Zentrum für junge Kirche » che vègn arjigné ca a Balsan por la jonèza de düc i trèi grups linguistics.



En mertesc, ai 04.10.2016 complèsc **Dr. Franz Vittur** da Pedraces **88** agn y **Arturo Canins** da Pedraces **85** agn, en jòbia, ai 06.10.2016 **Anna Senoner Rudiferia** da Pedraces **85** agn. L'Seniorenclub y düta la Comunità ti aoda düc l'bun, sanité y benedisciun de Dî.

« Spirituelle Angebote für Jugendliche & Erwachsene 2016/17 »
jodapé de dljia ciafèise la brosciüra sura chisc cursc.


« Cianté a S.Maria »: chèsta domènia, ai 2 de otober, dales 17:00 te dljia da S.Martin cun l'cuartet « Göma », le Trio « A per sorëd », tlarinec da La Val, Jasmin Rives cun l'erpa y familia Oberhöller.

Referat: "Le dagní é on-line - Umes, anuzede ostes poscibilités" Informaziuns sura les poscibilités che les umes á da lauré da ciasa demez anuzan le computer y internet. Tl medemo momènt pó les umes sté pro i mituns y ne á nia bria de se spusté. Chèsc ai 4 de otober dales 20:00 tla scola mesana a La Ila cun la referènta Sabine Fischer.

Curs da balé en grup: le KVV de Badia mèt a jí n curs da balé cun Giuvana Moling olache che düc pó fá para. Al mèt man ai 10 de otober te Ciasa Runcher y vá inant por 8 lünesc dagnara dales 9 danmisdé. Prenotesse pro Veneranda al nr. 0471/839760.

Avis dla Cassa Raiffeisen Val Badia: la Cassa Raiffeisen de Badia resta stlütta por restrotoraziun cina ai 04.12.2016. Le colauradú Gustl Kaneider sará impó da ciafé, ma por consulènza, tla medema ciasa tl'alzada dessura (ofize LVH-APA). Por operaziuns de portina sará a desposiziun chëla da La Ila. Le bancomat resta en funziun a Badia.

Ponsiun complementara (Zusatzrente): Judith Gögele spliga le sistem dles ponsiuns y ci vantaji che la ponsiun aditíva pó porté. Le referta sará ai 5 de otober dales 19:30 te biblioteca a Al Plan.



Plata dla Ploania Badia

San Iaco - San Linert

Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



VAL BADIA

www.unitepastorala.org

Ann C

02.10. – 09.10.2016

XXVII^a Domènia dl Ann

n. 45

Santa MARIA dl ROSARE



Vangele dla proscima domènia - XXVIII^a dl ann „C“

Luca 17,11-19

Söl tru da jí a Ierusalem é Gejú passé por le raiun de confin dla Samaria y dla Galilea. Canch'al orò jí te n paisc, ti él gnü diesc levrusc adincuntra.

Ai é stá chic dalunc y scraia: Gejú maester, mènete picé de nos! Canch'al i á odü, ti ál dit: Jide, mostrésse ai proi! Y tratan ch'ai jô dai proi, ési diventá nêc. Mo un de chi á dé ota, do ch'al á odü ch'al é varí; y al laldâ Idî cun usc sterscia. Al s'á peté jö ia por tera dan i pîsc de Gejú y l'á rengrazié. Chèsc él é da Samaria. Dailó á Gejú dit: Ai é pó gnüs nêc düc diesc. Olâ é pa i atri nü? N'él sté degügn che á dé ota por onoré Idî, ater co chèsc forest? Y al ti á dit: Lê sö y vá! Tüa fede t'á salvé.

FUNZIUNS SACRES

02.10. 27^a DOMËNIA dl Ann C - Segra de Rosare

- 10.00 Mëssa por la Comunità cun l'cor da Kempten
15.00 Festa da Bato
18.00 †to Edi Adang - aniversar
†to Pepele Nagler – aniversar - *cianta l'cor Philia* -
por i novic Sara Pizzinini y Armin Moling

04.10. Mertesc - **S. Francësch da Assisi**

- 05.00** La Crusc: Ora de adoraziun
06.00 La Crusc: S. Mëssa
08.00 S.Linert: S.Mëssa en onur de S.Francësch
†to Emilio Clement - aniversar
†ti Pasquale y Marta Pitscheider
†ti Egidio, Maria, Sepl y Anna Valentin

05.10. Mercui – *Mëssa cun i scolars*

- 07.30 †to Franz Tasser - aniversar
†ti Tone y Sabina Campeï
†to Paul Frenademetz

06.10. Jöbia - *Mëssa cun i crejimá y crejimanc*

- 19.30 †ta Tekla Valentin
†to Michele Crepaz
†to Carlo Raia

07.10. Vëndres - **S.Maria dl Rosare / Prüm vëndres dl mëis**

- 07.30 †to Konrad Dapoz – aniversar
†ti Angelo y Sabina Pitscheider - aniversar
por les püres animes

08.10 Sabeda

- 13.30 Mëssa da noza de Sara Pizzinini y Armin Moling
15.00 ***Traslaziun de Chël Bel Dî da La Crusc a S.Linert***
16.00 Mëssa a Oies

09.10. 28^a DOMËNIA dl Ann C

- 10.00 Mëssa por la Comunità (oferta por le local di jogn)
15.00 ***Prozesciun cun Chël Bel Dî da La Crusc***
18.00 †to Lois Irsara da Reslada
†tes Agnes y Augusta Pescollderungg
por fam. Armin y Angelika Craffonara

Dala VITA dla CÛRA

Funziuns de Chël Bel Dî da La Crusc

Mertesc, ai 04 de otober – S.Francësch

05:00 Ora de adoraziun y dales 06:00 santa Mëssa


Sabeda, ai 08 de otober

15:00 Traslaziun dla statua de Chël Bel Dî da La Crusc a S.Linert

Domënia, ai 09 de otober

15:00 Prozesciun de Chël Bel Dî da La Crusc a S.Linert

Chësta domënia, ai 02.10.2016 ciafa l'Sacramënt dl BATO i mituns:



Elisa de Denis Tavella y Maria Francesca Maggiori

Sara de Thomas Huber y Zita Valentin

Julia de Ivan Dapunt y Monica Nagler

Sofia de Christian Tavella y Angela Di Carlo.

Ai pici che tolun sö cun ligrëza te nosta comunità y a sü geniturs les mius audanzas.

Mëssa por chi dla Crejima: en jöbia, ai 06 de otober metun indô man cun la mëssa di crejimanc y crejimá. Periun de gní chësc iade por les 18:30 te local di mini a porvé les cianties.

Comuniun ai amará: en vëndres, ai 07 de otober dales 09:30 inant, jará siur Degan a proveder.

Pelegrinaje dles ëles: la Uniun dles ëles inviëia dütes da gní a Maransen en vëndres ai 07 de otober. Jun a ciagé Siur Pire che se acumpagnará söl tru dles staziuns (ca. 2 ores inant y zeruch). Dedô picera marëna. Piun ia da Pedraces dales 13:00 y l'cost é de 20,00 Euro. Prenotesse pro Roberta (nia danmisdé) al nr. 338 3852548 anter l'4 de otober.

Pelegrinaje di vëdui, vëdues y porsones sores: en jöbia, ai 6 de otober a Absam olache al sará na santa mëssa zelebada da siur Degan. Le iade, marëna y picera marëna costa 54 €. Piun ia da Pedraces dales 07:35. Prenotesse pro Monica al nr. 0474/590069 cina ai 3 de otober.